




1612_024.jpg




1612_025.jpg




1612_026.jpg



1612_027.jpg



1612_028.jpg



1612_029.jpg

Seconde Continuation.


29

rent au deuant. Estant sa M. I. arriuee au bout
du pont Lupin, elle descendit de son carrosse,
où il estoit avec l'Imperatrice, & monta à che-
ual passant à la veüe d'un bataillon quarré de
bourgeois, lesquels saluèrent d'une infinité
d'harquebusades leurs M. I. Le Senat qui l'attē-
doit à la Tour rouge luy presenta le poisse de
drap d'or à l'entree de la ville, Et le Recteur &
Professeurs de l'Vniuersité l'attendoient à la
porte de la Liberté de la Cour avec vn autre
poisse, sous lesquels il fut iusques à l'Eglise S.
Estienne. Losenstein Grand Mareschal d'Austri-
che portoit deuant luy l'espee nuë, & deux He-
rauts de l'Empire, avec ceux de Hongrie,
Boheme, & Autriche alloient deuant ce Mares-
chal. A la porte saint Estienne leurs M. I. furēt
receuës par douze Euesques, ayans la mitre en
la teste, & de tout le Cletgé, qui les condui-
rent deuant le grand autel à deux appuis d'O-
ratoire couuerts chacun d'un grand drap de
pied de drap d'argent, où elles se mirent de ge-
noux sur des oreillers de mesme parure pour
faire leurs prieres, cependant que le Clergé
chantoit le *Te Deum*, que toutes les cloches de
la ville sonnoient, & que tout le canon tiroit.
Ce faict leurs M. I. se retirerent en leur Cha-
teau.

L'Empereur ayant reçu aduis de la contesta-
tion de son Ambassadeur Negroni avec le Cō-
seil du Turc touchant la Transylvanie, Il fit pu-
blier sur la fin de Decembre la premiere Diette
des Estats de l'Empire à Ratisbone, qui deuoit

*Diette des
Estats de
l'Empire im-
diète à Ra-
tisbone.*

1612_030.jpg



30 *M. D. CXII.*
 estre selon la Bulle doree indiète à Nuremberg
 où toutes les premieres Diettes que l'Empe-
 reur conuoque apres son Election, s'y doiuent
 tenir: mais la cōmodité & l'vtilité faict souuent
 changer les statuts & coustumes. L'indiétion
 de ceste Diette estoit au 24. d'Auril 1613. Les
 Lettres Patentes portoient, Que depuis son
 election à l'Empire il n'auoit pensé qu'à re-
 chercher les moyens par lesquels on pourroit
 1. pacifier l'Allemagne trauaillee de tant de
 haines, de discords, & de ports d'armes, & la
 faire iouyr de son ancienne dignité & splen-
 deur. 2. reestabliir les visitations de la Chambre
 Imperiale. 3. abreger les procez. 4. augmenter
 en nombre & gages les Assesseurs de la Cham-
 bre Imperiale. 5. establiir l'vsage d'un mesme
 Calendrier par tout l'Empire. 6. composer tous
 differents & toutes deffiances establiissant vne
 concorde entre les Estats de l'Empire, afin de
 joindre leurs forces en commun contre le Turc
 ennemy iuré des Chrestiens, la necessité des
 affaires de la Republique le requerrāt ainsi, puis
 que contre la paix & trefues accordees avec luy
 il s'estoit emparé de plusieurs places en la Mol-
 danie, Valachie & Transylvanie: Aussi qu'ayant
 faict la Paix avec le Persan, il n'y auoit point de
 doute qu'il ne violast celle qu'il auoit avec
 l'Empire, sous le pretexte de la Transylvanie
 qu'il vouloit enuahir. 7. d'aduiser à vne liberale
 contribution de deniers afin de s'en ayder en
 cas de la rupture de la Paix, & 8. regler la con-
 fusion qu'il y auoit aux monnoyes.

1612_031.jpg

Seconde Continuation.

31


Le different donc entre l'Empereur & le Turc estoit auquel d'eux appartenoit de dōner des Princes à la Transilvanie. Trois des Battory ont tenu ceste Prouince sous le nom de Vaiuode, puis de Prince. Sigismond Battory (qui es années 1595. 96. & 97. auoit par ses grandes victoires sur les Turcs faict voler la renommee de l'heur de ses armes par toute la terre) estoit le legitime Prince de Transilvanie, mais on le tient prisonnier à Vienne. Et Gabriel Battory sous le nom de Prince la possedoit (bien que l'Empereur & le Turc y ont quelques fortresses chascun à la bien seance de leurs pays:) Mais les cruautez & le mauuais gouuernement de Gabriel Battory luy firent perdre la vie & la Principauté, comme il sera dit l'an suiuant. Voyons maintenant comme ceste Prouince fut en ceste année affligee par les guerres ciuiles: Et les plaintes que les Saxons Transiluains enuoyerent faire à l'Empereur cōtre Gabriel Battory.

André Nagi, soldat de fortune, Chef des rebelles en la haute Hongrie, où l'année derniere il auoit faict vne infinité de maux & de ruines, ne portant que le feu & la mort par où il passoit, se rendit au camp que tenoit Battory deuant Cronstad: Battory pour sa bien-venue le voulut traicter & luy donner à disner en sa tente. Le commun prouerbe est, Il n'est pas bon Hongrien qu'il ne soit yure trois fois le iour: En ce banquet beuans l'un à l'autre, Nagi se print de vin. Apres le disner, ils monterent à

*Des troubles
de la Tran-
silvanie.*

*André Nagi
tue par Bat-
tory.*

1612_032.jpg



1612_033.jpg

Seconde Continuation. 33

Le Turcs que le Bassa de Bude luy enuoya, feic plusieurs exploicts de guerre contre Battory, (lequel fut forcé de leuer le siege de Cronstad) prit plusieurs places, & se prepara le chemin à la Principauté de Transiluanie, dont il fut pourueu par le Turc en 1613.

Sur la fin de ceste année les Deputez des Saxons Transiluains, partis en habits delguisez des extremités de la Transiluanie du costé de la Valachie, arriuerent à Vienne, & s'adresserent à l'Ambassadeur de l'Eslecleur de Saxe, pour leur donner entree vers l'Empereur, afin de luy presenter leur Requeste contre les cruautés que Battory auoit exercees sur eux.

Mais auant que de la mettre icy, voyons quels peuples ce sont que ces Saxons Transiluains: Car trois sortes de Peuples habitent la Transiluanie. Les Sicules, les Saxons, & les Hongriens ou Nobles Transiluains.

I. Les Sicules sont descendus des Scythes qui vindrent avec Attila en la Pannonie, lesquels s'en voulans retourner en leurs pays s'habiterent en la Transiluanie proche de la Moldaue, en laquelle ils se diuiserent en sept Peuples, & bastirent sept villes, que l'on appelle encores aujourd'huy les sept lieges des Sicules, scauoir, Kisdi, Orbai, Scipsi, Cyk, Vduarheh, Aranios, & Maros: leur langage à present differe peu de l'Hongrien, bien qu'autresfois ils en eussent vn particulier: Ils ont eu diuerses loix & droicts, car ils viuoient jadis comme les Suisses, & maintenant il s'est esleué des Nobles

*Les Deputez
des Saxons
Transiluains
arriuent à
Vienne.*

*Des Saxons
Transiluains,
& des peu-
ples qui ha-
bitent la
Transylua-
nie.*

1. Des Sicules.

Image issue du site mercurefrancois.ehess.fr - Cliché (c) Cécile Soudan